

**Selangor Pohon RM1 Bilion Daripada Kerajaan Persekutuan Untuk Atasi Banjir
Bernama
8 April, 2012**

KLANG, 8 April (Bernama) -- Kerajaan Selangor akan memohon peruntukan berjumlah RM1 bilion daripada kerajaan Persekutuan untuk program mencegah banjir.

Menteri Besar Tan Sri Abdul Khalid Ibrahim berkata permohonan itu dibuat kerana Jabatan Pengairan dan Saliran (JPS) yang bertanggungjawab melaksanakan kerja-kerja pencegahan banjir terletak di bawah kerajaan Persekutuan.

Hanya JPS yang boleh membina kolam takungan air, kata Abdul Khalid pada sidang media selepas menyampaikan bantuan bencana banjir kilat Fasa 1 daerah Klang di sini.

Menteri Besar berkata beliau telah dimaklumkan oleh JPS bahawa RM1 bilion diperlukan untuk mengatasi masalah banjir di Klang.

"Unit Perancang Ekonomi negeri Selangor (UPEN) dan Jabatan Pengairan dan Saliran (JPS) telah sediakan kertas kerja dan saya akan kemukakannya kepada exco kerajaan negeri dalam tempoh dua minggu lagi.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=657736>